

歷代 日記叢鈔

學苑出版社

歷代日記叢鈔

第三六冊

中國社會科學院歷史研究所 編纂

日記叢鈔

（清）佚名撰

鴻泥四錄五錄

鴻泥四錄一

丙子嘉平十日由滇北 覲隔夜雪已沒趾晨更霏霏家人
皆有寒色世永姪從其母歸娶四從祖暨二從昆皆偕行諏
時以辰吉余遂先發尉翁君源逢鹽場王君宗善皆送于興福寺
宗譜長治與郝君 亦在焉醺數殘銜雪別去途中雪益猛觀
路旁凍者將殍風雪曠野無方藥可施怛然愴心此亦赤子
也抵板橋已申杪待至漏初輿馬始畢至 打窗終夜有聲
篝火作致永昌諸君書至寅始輟筆

十一日發板雪勢未已過渾水塘側驚驚禁伏風景畧似蔡
州小憩長坡淪藕粉半盂而行至小哨俄放霽色顧路左小
招提顏曰晉濟造黃棉乍出凜威頓減真晉濟也小鋪子村
有道家有三官滇黔 增火官為四今稱五官意

帝雪淖不可入觀日晚至楊林

雪中作

滇雲學朔寒皚皚六花結向夕慄冽增暝侍懷
維哲皆草自琤琮風轉騷屑勁竹本捐雲暫
屈折嘗節飢鳥噤飛坐識人竄戒簡書畏淹程顧僕誠稠迭
敢惜檻下驚蹙凍鐵踏血高下浩一色金碧失屏列所忻兆豐
和稔理已晰膏粟安足嗟入眼亦奇絕但愁鵲鴉殢懷祿媿忝竊
河當覆大被一使此言雪

十二日楊林旅中五更雨打屋瓦有聲晨興未已促裝衝雨
行觀王既亭集裁數紙雨絲絲入簾沾袖盡濡亟下帷避之
小憇役夫于河口登輿復前蟄閉如初申初雨歇啟帷觀右
側山巔殘雪半盡依蹊堅為勢望如橫幅籀文大本有奇趣兩
炊許至易隆逆旅爇炭取溫

十三日啟戶雪又兼寸已初復化為雨是日路多陂阪輿馬
踉蹌蹙蹙瑟縮如蝟其憊可知飯板橋值遵義劉春舫太守
之孥將之官亦飯此肆隘淖深不可登降過訪就茅簷兀坐

而已白塔鋪石色披雪稜稜彌復蒼蒼可翫
寒懶一望雨已濡襟又小憇于烏龍筭前行暫見霽色已壓峰矣戊初至馬

龍州尉陳君以手版來迓因造訪其解俄來報謁劇談移刻

奇石歌用漁洋揭鉢圖韵

麓石自顏獷倉絕屑沽兒細石雖娟潤頗愧脂韋師白塔村左千石頗森束戈甲散旌旗秀技淑詭誰

能為如人班立齊肩睢從者如憇前如馳星如掇腕相警皆踴如虎攫蛟騰呢奔如追尋顧如遺綴如縈經縈縈如靈骨樹檟悲慷慨勢如毅霜鐔銳慄如呂梁下履危杜德機磨尹正襟方燃龜憤如靈骨樹檟悲慷慨勢如毅霜鐔銳慄如呂梁下履危喜如絕纓談解頤如怪如帳連岡彌想像羽扇天人姿仆如伏鑽葉街尸驚如花頭揚旌旌或如蘆篠如戚施如撞如距如連漢魍結如猿驪微夷交肱扣頤勾思慈肌膚逆圻羅瘕瘕軼間荒唐傳者誰我昔彷彿曾聞之千隊宵征氣淋漓居者隱閨闈銖釐天鷄一鳴立若癡晨看化石依榛茂飽饕風露無渴飢幽怪難入輶軒詩我未瓊瑰瑞鋤犁旁詢齊諧恢危詞摩凍那惜石手脈南山雄搆誰密追投筆拊案三嗟登其人云此石往朝閭索嶺以鷄鳴不能前故止此詆甚

十四日晨陰仍列牧李公以霑益兼斯篆方在霑益故不入訪

晨行尚瑟縮不遑役夫邁步求汗趨過響水鋪不暇覓石燕又

店鋪即茶亭塘下行路

過祿豐宰張公

慈田号

屋手

其家問殷勤而別前漸豁。近州城蠶豆苗纔兼寸。望
 青青點綴殘雪彌復有致。入訪牧李公茗話片頃出過其尉
 吳君最索詩卷觀之。因為題其松菊圖。行看子遂飲解中偕
 者李君文由省中與余先後行為晉寧中丞鶴峰先生之從
 孫平彛令尹邵公仁樂号心山其外父也。

題吳秋圃松菊圖

吳君不辭卑官卑不工畫答工為詩鯤溟意氣本相許
 鮑竿歲月還自嗤抗手高揖彭澤令安排松菊酬賢
 眉披圖示我有深趣近年欲晦虬龍姿我聞陶公知命者桃源招隱如脫羈甲子編
 年富慷慨此意難與俗人知君今在囊定脫穎小應大法逢清時何須遽作買
 山計便拚漉酒服東籬詩人偃蹇古亦偶遇合昂藏會有期題君此圖一歎喟
 萼江春綠浮參差

十五日發霑益李公昨暮來報謁未值不復入別遂行吳君
 送於郭昨夕聞吳君言孝廉王某新死其人能刀筆好交關
 人以為利比病有骨如粟出指節間號呼不可忍必剔去之
 久則指墮一節及十趾墮盡乃死固知一層神明桀黠何利焉

觀分水嶺下山多白泥憶嵩明近時土中斲得白屑可啖
臆記說部多有此云名觀音粉久或致疾故禁不聽採分水
嶺肆門寥甚僅有菽粳菽以師宗最佳苦者味亦平甚益人
此地菽則苦殆近槩非佳種聊御歎耳昨小不適是夕入白
水逆旅暴下兩三行大吐宿水盈斗嗒然竟夜喜晚霽解寒
斗室小燠

文山令尹荆公烜之第五季弟先來需益是日夾顧旅中遂偕行

十六日宵來罷食加絮嘿坐以意消息晨起良已登車逕去
晨光雖旭仍下簾避風不暇送晚役夫飯涼水井余兀坐輿
中進沸水半瓊而已過山栗果塘遇心山令尹知學使者牛
公坤將至遂屏輿道左具街名路逐頃之公至公故識余
号次原又世舊也握語良久囑致聲京師乃別稍前即清溪洞僧導
數年來置屋兩三椽蔽礙靈竈竈既減天趣何時更斲去

半巖累壑兼^尋加聖度像使清淑掃地而盡洞外珠瀑
 泉填淤成田了無踪響世間規圓方竹漆卻斷紋徃徃皆成
 過眼風燈無庸悵悵暮至平曩宿東門逆旅心山致饌家弟
 定南在心山幕中率其子世來逆旅遂留貴定司令尹名
 河昆明進士共飯寓棲心山歸復來訪余其尉翁君以功當
 授郡州倅求改末秩得是官亦來訪旅中

清溪感游作

洞空天地竅靈秀固所珍元氣出奇色浩劫常輪囷點綴亦自佳勝事待韵人不然任寂歷藉存靈籙真如何風景異過眼驚

飈塵清溪別九年再到跡成陳石膚既燥益况訝位厝新板屋障山骨采繪羅樓巖隙地不容屐坐洞室重閣垂崖半壁好盡具倪黃敘推鑿雕刊盡尾石壘積薪燒壘白穉妍帚墁白鱗鱗上寘數軀像葦醴達明裡豈不恪真宰為惻辛肌垢尚可濯髓剗補何因門前二畝泉珠散留千春必留愛耕壘平眺於清潛造化有代謝成毀理亦均自晒風燈感未悟幻沫輪必琴蘊藉呵禁煩重中留取未雕半以還造物仁

十七日心山邀晨餐佳醴豐饌索麪絕似吾鄉醉飽揖別司
 君偕偕偕行家弟子送于威靈觀心山使嗣子送于十里

外衢左晨陰未雨至石虬亭偕司君入觀忽霏雨絲數百縷
既登輿雨亦止似饒客也屋壁有曲靖宋芷灣太守名湘大書
一律亭揭聯云吾愛此石民喜有亭署姓名曰孫士寅即鬻
琴碑中循吏曩忘錄之亭中舊時瑞香牡丹諸卉杳無存者
又一感慨沿途得晴淖不躡步過數塘宿亦資孔逆旅不似滇
中逆旅皆樓登降疲人主人季姓以廩餼歲貢成均愿樸可
喜是舊館人也

石虬亭下作

數絲霏雨送行輶重過幽亭躡勝遊竹樹清妍懷舊夢風雲淒緊

九

馬路幾年盾墨寄蠻州博南回首萬重山暫願金滄郡節還無數雲嵐埋瘴

骨誰教尉席近雄關梅前雨雪表先敝廬外烽烟鬢已斑匹馬虬亭休悵別京塵相待綴朝班

十八日將發亦資孔司君以發丁輓銅需驛宿不能偕旅程未
遂先發余與李君繼行是日程不甚遙晨餐命駕塘左

縣有廟云是元真觀山路紆不及登但觀山趾削削如臺殊有朴趣蛾螭舖廟前有兩字額云琅琊未識何指舊未觀此也途無仕客餘處役夫飯馬桑塘下俚呼粃粃舖是日時有霧色與人踊躍未杪至兩頭河入旅次拂榻一息旬來憊頓十九日發兩頭河逆旅人隔垣是其羣從有婦五十而姪夜嚮半以婉身死羣哭愴心有男婦呼母聲尤哀慘至性未漓使人憫涕雖能^未匍匐救之實不忍厭其涕聒坐聽半夜不覺申旦是日立春李君使來致賀亦使往賀乃發途中惟猪揚河左右村阜縈帶小有秀色輿右小山距楊松三四里頗具峯嶂廉峭大山環瑑不足觀申杪至楊松宿滇中有楊松海濱跨數邑俚傳有翁姬賣漿好施仙人往乞狼藉器中呼翁姬餒餘不可其家豢豕啖盡立化龍而猪首曰猪龍仙人繫

以金鍊使居海守鴉青鴉青甚巨時于水面現青光燭天漁人或釣得金鍊盈船不能盡且覆而怖乃斧截數寸仍投之今此楊松無海聞亦有龍潭云是日舊寨塘途中見紅杏一小株花開繽紛冬寒非燠自是一奇主人子夜讀書琅可聽

△立春

和旭動祥風籃輿萬岫中土牛寒社遠金馬彩雲通葭麥蘇民氣勸犁入歲功誰知山驛路仙杏數枝紅○嶺改隋寒時風光換柳枝微開波澹蕩漸

駐景舒遲殺氣水霜盡天心雨露知遙聞吹律吏新獻屢豐詩

二十日發楊松過庚戌橋抵上寨方趁堽陶沙作釜殊類吾鄉而加樸沿途與庚戌橋水時離時合時時跨水一線板橋頗饒畫意此間二十里中多煤爨之利民氣較殷山多耕墾鱗次由趾達巔既樂俗勤風景亦復較堪縱目中寨巒開處平阪高下成畎彌覺清潤松歸山濃霧冪冪循衢至松歸塘即確村下主人炊酥餠以家穀小拌鮮潔可咀甚憶故園也

霓裳曲過庚戌橋作

我聞霓裳羽衣曲乃在明月之窟清唐守

客雲璈

龍笛祇應天上有不與凡耳絛塵聰羣仙驂龍鞭電趨金母此曲

亦隨姮娥歌舞墉城中怪怪抵掌赤松嘯下視齊州九點青濛濛劉安登

天謁帝僂失度未落仙籍暫遣守則詞八公華陽真逸本草錄昆弟雖有

仙骨遲飛翬尋常紅牙翠板皆益濁欲聞此曲如隔蓬萊方丈瀛洲東下

士學仙牛毛成麟角仙格高唐霄壤均戴造化功頑仙且向人間賣符藥三千

八百續行四元亨有日大丹入口生羽翼更聽霓裳一曲醉貌如花紅

一王蓮甫侍郎為唐成牘第三人宮唐時贈余十絕句云共譜霓裳記大羅

年來出守別離多殷勤唐成橋邊水取次同人按節過宮唐曾以典故

度此橋故云今過斯橋感

而賦此

二十一日發碓子窰昨宵淖蒲衝雷跬步皆躓天已向夕知春舠

太守旅居隔宇不敢晚謁擾旅憇使僕呈道德一帙敬起居封

公封公顧先過余亟隨往報謁歸卧甚遠犬不警吠以當陟

陡險兩鷹厓夙興戒裝行出門濃陰未減加以霧重如霖霖

左右尋丈外一物不覩人馬踏泥濺渾衣裝皆泥但覺轉進轉

高轉陡殊不見鷹厓也再憇輿夫下至花貢街衢之淖甚于連

宵但兀坐耳

小鷹崖霧行

宿霧重苦惜晴鷹離到眼失分明新泥躑躅穿雲度危陞峻嶒任馬行涼燠何心天自澹險夷信步每難平單輿羈縻千

岩上齊物由來是養生

二十二日發花貢陰曠小減于昨出村觀與右近山趾有屋棟棟整峻列柱櫺此獨無垣墉亦不置像設似是眺游亭宇途中宿淖不減躑躅疲人憇阿都田村村東垂楊兩樹拂路依依出滇驛路此樹頗稀樹柯寄生葱蒨點綴水霜風致良可怡悅夾輿稜稜山骨見慣亦不復嫌其峭冷矣近茅口氣暄土燥徑始漸夷坦呼船而濟河邊柳穉條柔嫩黃微坼與都田柳各有致也日未暮不可復前遂宿茅口逆旅

四望老鷹崖

拔地看驚俗摩天欲竦身風雲情自遠巖堅性能馴自賞高寒氣應休磊落人鵬雛空健翮虛影避嶠阿青山猶息羽碧落似聞聲知有鸞鳳志休傳搏擊名客程新雨滑嵐影暮雲平去去成交臂紙細萬古情

二十三日發茅口雲幕坡頂不覩雄峻惟望河岸筆架一山儼然
如莒仰首九十九峰如千葉菡萏初坼過火龍三灣凜色殊未
解以日來跬步皆險陟此坡亦不復動色相戒矣未抄一望
清和霾曠皆斂徑達卽岱司馬劉公幹協戎史公皆蒞于郊
西公皆皖人以余魯卹極其鄉江君故致拳拳劉公致館致餽
復偕來顧余遂往報謁

歲抄過拉邦坡用舊韵

天開陟壁護名邦鷹岫東西嶺輪囷曾記瘴憐
春扇弱今未寒借酒兵降碣環卽岱分青嶂岩
險金沙憶岩幢衰鬢登高驚歲序辛盤浮鯉勝鱸江

二十四日史公邀晨飯署中雨徹夜霑霽新涼盈衢踏泥往別
兩公遂留共酌縱譚盡歡醺然就輿下帷避雨徑徑入黑甜矣
雨至未申始罷近老坡貢有懸瀑一派至半嶺橫分五六派下注
澗中聲色亦有可怡惜其太渙故未極雄峻坡貢逆旅敝絮主

人明經王姓使其子應客亦曾讀書也近村有巨猾方名捕未獲居人或徒避遠鄉故民氣頗訝蕭瑟

二十五日發坡貢晨霧不作雨顧疑陰沍列較旬來雨中轉甚惟不可啟仍時作軌噓委頓至燕子崖霧始斂崖有小洞二塞民依洞編茅以居故不可入觀過繁花塘東懸瀑亦勝足為白河瀑嚆矢惟山趾所障不觀落澗處耳至黃果樹村民苗趁場不下萬人市無隙地駐輿橋上待輿夫往餐臨流觀眺心目倍豁一望一新水哉興歎矣此地水既絕勝山亦助之清蒼數小峰尤奇峭再行山又漸隘密而不踈暮至鎮寧依東門旅中宿

△重過白水瀑河

我遊騰越壹水河雷聲玉色雲盤渦斜日晚射虹騰波歎霧十文濕輕羅過厓脂滑凝黃玉恨不躡險三摩挲毘盧小閣竹

樹勝隱窗一眺時狂歌符謂奇觀宇內絕王官廬早安豆多九年重到雪浪渡神驚魄動留岩阿帝遣犀龍挽天漢晶簾懸洞眼無訛珠跳玉濺真宰泣山隴落澗霹靂過壹水一壹此六七壹壹盡卧生蛟鼉山盤崖岸束皆鬼斧方之圓賜非同科一見一新一嘆詭觀瀾觀海重長哦莫遣徐凝更題壁謫仙之夢佳也

二十六日出鎮寧凝霧復濃山皆盤螺蕉堯千峯一色山趾亂
石文理時有可觀堆阜則都乏生動龍井塘邊偶兩峯半頂各
揮小峯如人臨崖瞰澗負手看雲較有奇致滇中石山宜木
者多時以蓄蕪觸獸此數十里不但山盡童童即平地亦甚
蔥蒨大山崖稍觀樹色亦無古幹喬柯入眼生新便生歡喜
人情善變可為隅鏡役夫飯馬廐雲銷日出千衆歡呼入黔
來甫得一識趙衰俚稱黔無三日晴諺不盡虛也稍平敞已
達安順郡城逆旅近東門完潔可居

霧行

出滇雪如掌恐凍踟危石湖風聒羽鏃瑟縮酸眸射藍輿薄勝葉行未具
綈帶閉簾墊不伸僵比索安宅居人猶謹戶况復朝行客雪已路轉奇崦
嶺森戈戟晴燠躡其間險尚撼神魄如何五里霧靳放青冥闢巖壑步步悚勝
概那可跡涇陰地本偏終憾沴氣積但慣障陽輝豈解作農澤誰能攤簪掃
杲日照短策坐使煦和親晴山入几席